



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 859. Usque Ad Annum 887

Fleury, Claude

August. Vind. [u.a.], 1760

VD18 90117875

§. 39. Sessio VIII. Libelli combusti.

[urn:nbn:de:hbz:466:1-66112](#)

§. XXXIX.

*Sessio VIII. Libelli combusti.*Sæculum IX.
A. C. 869.

Sessio octava die quinta Novembris habita. Bahanes nomine Imperatoris etiamnum præsentis dixit: *Quorumdam*^{5. Novemb.} *versutia & malitia effectum, ut novissimis annis Episcopi, Senatus, & tota civitas malæ causæ subscriberent inviti, & mendaciis decepti. Hodie vero volumus, ut bi libelli manibus vestris igni tradantur, speramusque in Dei misericordia & vestris precibus, bujus delicti veniam imputratos, qui decipi se sustinuerunt. Legati & tota Synodus, quod præcipiente Imperatore proponebatur, maximus gratias agentes approbarunt. Tunc Imperatore jubente in medio Synodi vas æneum igne plenum ponitur, & Theophylactus Diaconus ac Referendarius*

Pa-

Photius qui pridem insuperabilem petram
Fraudibus malignis conturbavit insipienter,
Pellitur nunc ut atrocissima fera
A thalamo casto & venerabilibus templis,
Satanae pessimo, miserrimisque tenebris
Bene præmissus, & passus digne
A Judicibus recte sentientibus atque Sanctis,
Beatissimo videlicet Nicolao,
Hadrianoque Divino Papa Romano,
Et Ignatio Martyrium passo,
Et tribus reliquis Sedibus Orientis
Orthodoxis & sapientibus valde,

Sæculum IX. Patriarchæ Constantinopolitani afferunt
A. C. 869.

omnes subscriptos libellos, quos Photius ab omni Clericorum ordine tam majoris Ecclesiæ quam ceterarum, ab hominibus laicis omnis conditionis, tam illustribus quam ignobilibus, a pellariis, a vendentibus pisces, lignariis, & acus facientibus, extorserat. Libri quoque contra beatissimum Nicolaum Papam maligne procusi, & Acta Conciliorum contra Ignatium inferuntur. Hos omnes Georgius Orphanotrophus accipiens, tradidit Legatorum servulis, qui cunctos in ignem conjecterunt, ubi consumpti sunt.

Inde Imperator ad Legatos Romanos: *Jussimus adduci falsos Vicarios, quos Photius contra Nicolaum Papam protulit; quid fieri vultis?* Legati dixerunt: *Ingredientur Sanctam Synodum.* Et intrantibus illis Bahanes Patricius interrogavit aliquem ex iis Monachum nomine Petrum: *Quis es, unde te habemus, quid egisti? an Concilio a Photio contra Nicolaum Papam habitu interfueristi?* Respondit Petrus: *Non interfui, & libellum non novi. Etenim nunquid præter me nemo unquam Roma Constantinopolim venit? sexcenti alii Petri nomen gerunt. Sed legatur hic libellus meus, & que ad me pertinent, discetis.* Leitus est; atque summa hæc erat: *Quoniam non nulli ex vobis opinati sunt, me contra Ecclesiam Roma-*

Romanam Libellum obtulisse, quia in lit-Sæculum IX.
teris publice editis de me mentio facta est, A. C. 869.
iterum profiteor, sicut jam ante professus
sum, nullum a me libellum fuisse oblatum,
nec me Imperatoris aures fatigasse, nec
etiam Concilio, si quod congregatum est,
interfuisse. Toties quoties interrogatus
fuero, id responsi dabo. Sed rogo, ut li-
ceat mibi ad vestigia Sanctorum Aposto-
lorum redire, ubi animæ meæ saluti in-
vigilem.

Tum Bahanes quemdam nomine Ba-
silium interrogans, nomen tuum, inquit,
in falsis Actis legitur, edic an dederis li-
bellum contra Ecclesiam Romanam? Basi-
lius: absit! Bahanes: Ergo anathema Falsi Legati.
dic illi, qui libellum tradidit, & illi quo-
que, qui scripsit. Basilius: Is qui dedit
libellum contra Romanam Ecclesiam ana-
thema sit! Bahani postea interroganti,
unde esset, Basilius respondit: veni ex ci-
vitate Sancta (nempe Jerosolyma) Bahae-
nes interrogat Eliam, Patriarchæ Jero-
solymitani Legatum, an eum cognosceret.
Ita est, respondit Elias, cognosco ipsum.
Bahanes iterum ad Basilium conversus
interrogat: Cur ingressus est Constanti-
nopolim? quis te buc misit? Basilius:
Tripoli profectus Romam ivi, orandi cau-
sa. Egrotavi in itinere, Venetias me
contuli, ut transirem, veni buc sub Papa
Benedicto, & versatus hic mensibus virgin-
Hist. Eccles. Tom. XII. Cc ti

Sæculum IX. *ti pecunia egere cœpi.* Illo anno, quo
 A.C. 869. Ignatius de throno suo pulsus est, Romanum
 redii sedente Nicolao Papa, & per annos
 octo ibi commoratus in hanc civitatem se-
 cundo veni. Rursus interrogatus an libel-
 lum tradidisset, respondit: *Absit!* nun-
 quid enim miserabilis ego Nicolai Papa
 familiaris fui?

Rursus, jubente Imperatore, Bahanes
 interrogavit Leontium, falsum Vicarium
 Alexandrinum, in hunc modum: *Quo-*
modo inventus es Legatus Alexandrinus
in libro a Photio contra Nicolaum Papam
fictè composito? Leontius: *Episcopus meus*
dedit mibi litteras ad Imperatorem; sed
Legatus non sum, nec aliquid de rebus istis
ad me pertinet. Bahanes ad Concilium:
Quid vobis videtur de hominibus istis?
ultimus sicut primus quid actum fuerit
ignorare se profitetur. Sunt mercatores,
non autem Patriarcharum Legati; sed
Photius & sermones & personas fixit, ut
lubuit. Legati Romani ad falsos Vic-
 rios: *Scribite Libellos & anathematiza-*
te illos, qui falsos libellos euderunt. Sic
ad Communionem recipiemini. Leontius
 dixit: *Neque scripsi in libro hoc neque*
cognosco eum. Concilium dixit: *ana-*
thematizate, qui fecit eum & conscripsit
eum. Falsi Legati: *Anathema sit, qui*
cooperatus est libro isti. Senatus dixit:
Quoniam non vultis anathematizare, ap-
pares

paret, quod partem in eo habeatis. Et ipsi Sæculum IX.
anathematizabimini, vel legibus subjiciemini. Legati Papæ dixerunt: Tra-
dantur nobis viri isti, & nobiscum Ro-
mam veniant. Tum Leontius: Ana-
tbema libro, & viro, qui scripsit eum!
Basilius: Anathema illi, qui contra Ni-
colau[m] Papam libellum obtulit!

A. C. 869.

Bahanes nomine Imperatoris dixit:
Ecce, quomodo veritas appareat, & lux
in tenebris luceat. Patent mendacia &
fraudes. Nemo causas prætexat, cur non
ad Ecclesiæ sinum non redeat. Craftina
die nulla amplius vobis erit excusatio.
Metropolitæ quoque interrogati, quo-
rum nomina subscripta in illo libro vise-
bantur, an ipsi manu quisque sua subscri-
psissent, cuncti responderunt: absit! er-
go Legati Romani Imperatorem rogant, *Sup. lib.*
ut legi juberet Decretum Martini Papæ *XXXVIII.*
contra falsos Vicarios, nempe vigesimum *s. 53.*
& ultimum Canonem Concilii Latera-
nensis anno sexcentesimo quadragesimo
nono celebrati. Quo perlecto, surgens
Metrophanes Smyrnensis in laudem ve-
ritatis & Imperatoris, qui Veritati præ-
sidium paraslet, brevem orationem ha-
buit.

*to. 6. Conc.**p. 359.*

§. XL.

Iconoclastæ.

Cum deinde Imperator ad Legatos Ro-

Cc 2

manos